

孫徵君日譜錄存

孫徵君曰譜錄存卷之十四

順治十七年庚子七十七歲

七月

後學

武陟王

輅

校訂

永年武汝清

初一日

在孫世致十金桂鼎

問執中之傳肇自虞廷而子思子又加一庸字豈以
中之意有未盡乎曰中元虛茫無把握庸平常確
有持循堯舜以來相傳之意傳者中而意即庸也
非有二也故德曰庸德言曰庸言只此一庸而聰
明識解之士多消然不過不跳於異端則廢於半
塗故曰中庸其至矣乎民鮮能久矣庸莫庸於子

臣第友而盡分難庸莫庸於喜怒哀樂而中節難識庸則識中矣

初二日

嘗見爲詩爲文者只因有意乎人之贊毀遂避惡趨好飾巧媚人不能直抒心之所得斷未有鼓瑟於好竽之門者作人不能硬豎脊梁獨存面目亦只爲顧惜贊毀一有趨避遂不覺流人鄉愿路上去

初三日

白沙子曰君子日之所視心之所隨苟無所事乎畏則忘而入於忘其主於畏乎愚思此畏字卽學道

心法也吾人一身之微衆欲環攻力不能勝而此
身位置何所卽欲不畏不可得也畏久則樂生戒
懼之後乃有此恬愉耳

初四日

韓子新視予夏峯喜而賦此兼訂後約 家是廬龍
舊中原意氣新衆爭推義俠我獨愛情真暮學勞
相共迷途借問津巖巖一水隔來往肯辭頻

初六日

拈舊事示子新 歲月忽將八十年人情世態幾廻
旋平生最愛孫思邈千古高踪方又圓 憶昔論

交南北時非愚非智總情癡廻環往事思傳火除
卻君家更問誰

初八日

送郭驥臣駿臣赴秋試 偃臥空山歲月深鷄鳴時
聽二龍吟欣聞此際天香發好做高堂畫荻心

初九日

新秋坐月有懷杜君吳陳國鎮 衰鬢蕭蕭千里身
夏峯清寂自成隣每逢新月嘗憐客閒送歸雲遠
憶人老我燈光誰喻火多君道合更傳薪羊裘肯
令荒三徑寄水何時一問津

客有因朝事而就予謀耕者爲拈此句 聞說諸君
舌劍橫古今泊亂一棋枰看來元是躬耕穩入眼
桑麻老更明

初十日

群兒嬉戲 孺子頻來對夕晨笑啼嗔喜總歸真頗
言老大常如此便是唐虞三代人

埴前白玉簪 幽香素質孰知音掃地置尊疑我心
花亦有情能解語閒來相對一披襟

十一日

客爲子贊荆卿偶成 家在燕南易水傍荆卿故里

亦同鄉匹夫一劍成何事徒使時人惜俠腸
示老幹爾年雖長爾心猶猶憶當時供我薪翻覆
世情難入眼何如老幹共宵晨

十二日

戒族黨諸子弟千里浮家作老農攜來族黨隱壩
東人心同異名如面堪怪而曹墜父風

月下憶韻兒在安邑待月到深夜雲開月照人而
餘更殷潔千里有同隣倚門與倚闥從古此情
真衰朽亦如此甯無近婦人

十三日

望晴 連朝沉雲黑陰氣一何密
禾黍將登場結粒
恐不實望望呼白日呼之不肯出
誰爲撥雲霧一
洗幽陰曜數載歲不豐今年麥全失
再爲風雨敗
婦子何甯室蒼天自好生
子遺應在恤

十四日

寄懷高少司寇 一別十二年
能堪幾回別雲霄有
故人中夜腸百結垂老臥無家
將無念明哲無事
作壯游佳山便相悅况復驅我去
遠計謀生拙從
來羈旅人進退不自設
日夕望故山家在白雲列
非隱而違規本貞與俗絕
同憶雙柳居五更歸夢

切靡鹿麋豐林麟鳳趨天闕念我君有心威君我
匪舌豉聲咽素秋相思正未輟

問默識曰天何言哉天之默也四時行百物生天之
誠也

問動靜曰靜而無欲靜固定仁者之靜靜以此動而
無欲動亦定知者之動動以此非無欲而動不故
動靜不成靜矣

問人心道心曰心只一箇心無欲則人而道矣所謂
克念也有欲則道而人矣所謂罔念也危微無定
精而執之堯舜之能事畢矣

十五口

問偏事制心曰心在事上見未有以仁存心以禮存心而行事乃不仁不義者禮制心是居敬義制事所謂時措咸宜耳

問道在邇事在易曰邇可遠在茲所謂邇也要先從邇下手故只見其邇易簡而天下之理得所謂易也要先從易下手故只見其易蓋離邇原無遠離易原無難

問戒慎恐懼重輕何分曰一字足該四字之義故下面只曰慎兼舉非多單舉非少

問中和曰和從中出非中斷不能和非兩件物事

十六日

吾人一日之間行事有順有不順一夜之際夢魂有安有不安果能湛然如一無少動搖便可言體受歸全生順沒常之事所謂知晝夜則知死生矣苟合此而別求死生之道愈遠愈難安望一朝之有聞耶

十七日

問聖人明哲保身無得禍之道曰聖人固不樂處禍然禍福之來雖聖人不能違第恃有處禍之道不

失己雖禍亦福也一失己雖禍亦禍也古今以禍
而成其爲君子者宜論福以避禍而成其爲小人
者宜論禍

子曰君子道者三我無能焉又曰君子之道四即未
能一焉及使開仕而開曰吾斯之未能信夫子只
見爲未能者開何敢自信爲已能此所謂見夫子
之大意顏曾而外鮮能及此間在聖門語言事蹟
甚少獨此一語幾千聖宗傳得妙處正不在多

十八日

取之而燕民不悅則勿取古之人有行之者文王是

已此等書要善看三分有二以服事殷使文王有
遠分欲取之意便不成箇文王孔子安能贊其爲
至德且太王亦非好色公劉亦非好貨立言之意
別有對針一有執善便成說夢

人心之壞無他端總之壞於無恥只一無恥便無復
顧忌大家頑冥因成風俗故有世教之責者先宜
開發其恥心使知所奮知奮日不肯恬焉與禽獸
同蠢恥之於人誠大矣哉

飲食之人則人賤之賤其無所用恥也呼蹴之與行
道不受乞人弗屑恥心何嘗盡喪但無大人君子

以振醒之。乍明乍滅。終歸泯沒。遂令孔孟之教澤。
無權彰。餓夫只爲不苟食。甘死如飴。蓋亦恥心之
所激乎。

此身所以撐拄天地者。全憑此志。志不降。則身不辱。
俯仰千古。夫子獨以許夷齊。真是鳳翔千仞之上。
魯仲連。嚴子陵。如生孔子之前。不知位置何等。

近代能挺立之人。認的題目清楚。守而勿失。便不倒。
弱若於本性靈光。真實有悟。未敢輕許也。堯舜周
孔之人。至今在其精神原足。包裹古今千百世後。
飲食男女。不盡流爲禽獸者。猶其遺澤也。要做箇

千古真豪傑會須根尋堯舜周孔之心盡脫世網
直証性初方有箇安身立命之地方有箇字泰收
功之期當於何處索得此人

十九日

賢者珍重其身護惜其名有轍跡可循無瑕隙可指
聖人不憚不緇不恤無悶又進一解論語中載孔
子與子路語甚詳淵明云雖留身後名一生亦枯
槁言名不足賴客養千金驅臨化消其實言身不
足惜也雖非聖人之訓自是達者之言

二十日

人生貴適志耳豈非以無累於事不役於物而志方得適乎平居暇日正好體勘此段機趣一爲事累物役則身在桎梏中猶幸一日禍之未及以爲快心娛意之計亦愚矣哉

世人言醉時是醒時語醒時方覺醉時之謬誤者已醉何暇憂謬誤哉愚觀今人之舉動謬誤者多矣醉中相毆不計身家性命不顧天地鬼神豈無一刻清醒時耶兩虎酣鬪敗者死勝者傷須臾再轉一虎至前勝而傷者且俛首待斃矣吾恐鬪不已將一網同歸於盡醉生夢死亦可哀矣

愚嘗謂日用飲食之間可以証聖人莫之信也夫聖
也而能離此日用飲食乎哉行庸德謹庸言不以
飢渴之害爲心皆聖人之能事畢矣子曰吾無行
而不與二三子者正言此日用飲食也始於此日
用飲食而無慙便可以俟千百世聖人而不惑豈
可以其日用飲食也而忽諸

三十一日

古人寄懷於物必無所偏嗜然後爲達一有所嗜則
癖而痴矣無論嗜利者爲衆怨之歸嗜名者犯鬼
神之忌嗜殺者干天地之和卽嗜山水嗜琴書嗜

詩酒古今人自命爲雅事者皆曲士迂好於外而
非從吾之所好者也既無關於身心性命合宜付
之流水行云以我役物而不以物役我

知己之難自古記之鍾子期死而伯牙絕絃破琴知
世莫可爲鼓也惠施卒而莊子深嘆不言視世莫
可語也伯牙之琴莊周之言惟鍾惠能聽此所謂
海內一人知己足不恨耳故人云亡出門結友不
長道里長但恐其人非幸得二人殊可與語無幾
何時墓木拱矣天下之大豈謂再無人焉衰年無
力涉遠遠人士有過而問者猶得因其人以悉天

下之人懷才抱莠之士隨在有之而守道知學之人亦未絕響也于期之後還有子期惡施之外仍有惠施伯牙絕絃莊周深瞑未免輕視天下士耳

二十二日

傷曾孫盧齡

有序盧齡四歲矣每於家祭隨其諸祖

諸父後祠中拜跪依然成人忽以病傷慘我老懷
敢云造物無情家翁之不能修德可知也記此志
警 祭先能拜跪殊喜有曾孫子也復何奪徒慙
老且惜

二十三日

作家難苦里老日夕追呼也禾黍登場未及糞不堪

吏怒日呼門家家欲難誰爲難鄭俠何來一叩問

王資生赴試庚子蘇門秋色桂花新多士欣推第一人

老我前庚今再甲看君此去作王賓

二十四日

問陽明教旨曰人有性有情有才當渾然未發時無

才之可見併無情之可言祇有一至善而已故曰

無善無惡心之體其發也則情生焉雖未見才而

有善有惡便非渾然之體故曰有善有惡意之動

既動矣而善中有惡惡中有善善之情無盡惡之

情亦無盡必須吾炯然不昧之良以辨晰之故曰
知善知惡是良知既知善必爲善既知惡必爲惡
善惡情之發露而爲善去惡則才之効靈也故曰
爲善去惡是格物物格正已而物正者也是學問
之終事格至事物而窮其理是學問之始事

二十六日

趙陳希夷睡圖 道士非耽睡雄心無用之夢中原
作想劍客亦情癡

二十七日

復李共人司李 先正羅達夫有云若能活得千人

命安心不向世外走此正吾僑胞與一體眞學派
某嘗服膺此言雖病廢無能益於世竊望今之世
有達夫者數人並列內外則天理民彝未至泯壞
較泉石膏肓烟霞癩疾老而不知悔者相去不知
幾何矣某與同志嘗論靜修之於吳許其心更苦
而事更難來論論元亮菊徑弘景松風畢竟都是
事後之悔雖先生自爲寫炤陶陶公高風亮節千
載下悠然見之尙論者與子微子陵未嘗有所軒
輊於其間蓋論其志不論其跡也曩與長公頗析
此旨值復命言別正欲與先生一質論之

寄胡葵衷父母 憶老父母建節淮徐去中州差近

豚兒展謁後書問社還猶喜時傳德音嗣後次公
世兄看花長安而老父母遂蚤賦歸來矣息影林
泉實樹蔚起人間樂事老父母以一身備之治第
每望西來紫氣未嘗不跂懸待望也但驚曠飄蓬
越以間關險阻即驕羽之便亦非容易茲馬生爾
盤西入秦都命之過候迎屈馬生係從遊士又姻
家子也患難貧賤共之安且久明乎曾從其岳官
禮部其妻遂歿於父邸中今將二十矣

不娶且操行甚嚴遠近皆高其義茲同人寓書所
知併其輓以歸不謂斯世尙存古道今借敝門人
以通三千里世譜五六年疎闊當不異治弟之人
坐春風也倘彼蒼不靳夙緣世兄策選得賓通福
星是又治弟之私祝也胡信山舍親昨過蘇門赴
其于香山署敝邑親友梁如老尙歸然餘凋謝不
可復憶治弟久離卽龍返轅無期古人隱不違親
貞不絕俗反躬自循能不抱疚中夜乎兩望遙候
可勝馳溯

二十九日

口占禾坐中諸子 今古賢愚問此關水原非水山
非山寸心不圖形骸內元氣直浮覆載間蜚險投
來雖異態尋常應去無多般諸君會得茲消息雲
淨天空日在關

三十日

問待人之道曰待君子宜盡吾敬事之禮待庸衆宜
盡吾接引之心待小人則就簡譴謫以示之以理
悔之漸總之要以我包裹人則可以位置乎人而
轉移乎人善人君子能位置一方轉移一隅堯舜
周孔則能位置千萬世轉移千萬世者此其位置

之樞轉移之妙亦惟此親義叙別信而已矣五箇字明白經典秩秩動而有節方能無入不自得不能自得者皆聽人之位置而隨人之轉移者也鄉黨拘曲之士耳

與貴人處宜矜嚴法度先示之以不敢輕陰折其驕貴傲情之氣彼來問交交方可合士無自重之意人無重士之心無端急急求與之合山人墨客者流彼即容納甯生敬畏吾未聞枉已而能直人者也

士非操行不得入門雖涉於峻廢免此匪此又論交

者之律令也師云友云自不多得庸庸碌碌直在
批愛之列

八月

初一日

復錄紫淵 離故國十二年親戚墳墓日夕在懷至
君家與江村尤繫所係念者太傅有後聞之甚喜
君家尤第幸益自勉以副文宗之望所委誌銘此
等大文字須得大手筆之人爲之僕衰年思慮日
昏口識日短自不堪任然亦嘗思之海內舊人虞
山素稱能文且門牆士老矣不知還能操筆否兄

過報劬時而商之

初二日

與李慎菴 先生督衛河三年聚與人交不欲以貌
合故於野人有塵外之好茲行矣惠詩三章留別
僕平生正不能以貌交天下士臨路黯然各攸顧
答之不足言詩聊示步趨之意

放翁有言詩到無人愛處工地懶學人不於人所不
知處著力祇打點目前供人玩好此豈深造自得
之士命世豪傑其所以安身立命者斷不向人口
頰間襲取也夫子身分夫子自知夫子功課夫子

自以夫子而後無人不知夫子夫子而後實未嘗
有人知夫子故曰知我者其天乎

利三日

世人爲名利聲色所中其趣甚濃以煖字對治彼濃
之勢正猛而淡之力甚平如何驟能降伏法宜就
其濃處窮結之究竟何若古之人今之人貪一朝
之濃而受無窮之禍者影樣俱在則未有不退然
思返耳

問今之求富貴利達者其妻妾羞而相泣孟子揭此
旨以醒之可謂對症乃千餘年來讀者愈濃淡字

全不得方何也曰唐虞三代之世士大夫中此病者絕少春秋戰國以後病漸深醫漸難然能起什一於千百猶孔孟療治之力也今病入膏肓醫家望而卻走只在病者於蘇息餘生自療自治淡中滋味愈咀愈長此方千古莫易欲病之瘳也還須問此方舍此別無得力處

問學之一脈統於孔聖而非肇自孔聖也開端者何人曰精一執中問學之事而無學之名先知覺後知先覺覺後覺伊尹是然以爲誨自任然亦無學之跡惟學遠志務時敏惟微學牛念終始典於學

至傳講始發之時以於版築中先明此事真如飢而食渴而飲不言卑躬行唐虞三代殆無人非學者乎

心之官則思易又曰何思蓋思不出其位則思也而猶於何思者若冥然無思何以能作廢作聖是枯禪也

初四日

晨起客謂予曰某賢然自觀省若無甚疚於心而惡於志者然夢寐不憚形神難對若抱人世之大疾舉世之大惡者然此其故何也曰戒懼切念而功

力未熟若有疾乃可以無疾若有惡乃可以無惡
若是然自以爲無疾無惡也其疾惡尙可言哉故
畏之極轉覺踟躕彼肆行無忌自謂習闇與此正
分道而馳

問何以謂之道曰感應而已矣當未感時此心寂然
耳一有感而喜怒哀樂之情動焉仁義禮智之性
出焉偶感偶應萬感萬應其中節露靈處所謂天
下之達道也應處不合人已兩失其離道也遠矣
問應處不合初亦許慎後竟有悔此何也曰此正吾
知未致耳知未達微疑似相蒙錯謾乘之陽明一

生得力全在此處著手知之明故應之當莫看的
容易

初五日

問陸子曰唐虞之際道在皋陶商周之際道在箕子
何以明其然也曰道原於天天主從皋陶發出知
天則知道矣箕陳洪範禹與箕苦心與天通故語
于亦曰若禹皋陶則見而知之

吾性之所有者不容減一分減一分則失一分故物
吾性之所無者不容增一分增一分則添一分邪
思故曰正念不滅之謂故邪思不生之謂新

六日

問克已復禮羅近溪云克能也謂能盡其已則禮自
復文太音云克正也能正已物無不正皆與下面
由已字相合於書言似近日作此解亦自通得去
克去已私復還天理何嘗通不去聖賢道理在原
本處融徹不在字句上執泥紫陽集註竭一生心
力表章前聖開示後學厥功大矣後人真能作紫
陽忠臣者不敢謂無人而有意摘發以新奇自負
指視愈多益滋紛亂非同學寅恭之誼也

初七日

簡劉少傅 舊令秦君過夏峯備述其解任之由與
所閱於此中之士民者殊無異辭以敬愼清操如
此君者罷官而去已非持平乃賄累羈留經年難
結令其父子於蕭寺中作楚囚相對恐仁人君子
所不忍聞也秦令咸老親臺軫念之誰若慶更生
託第致謝且致懇焉第念老親臺旣已悉其苦情
想不吝爲之解網俾去國之人得生人里門隨時
利濟到處慈航元老意中之覆露而一方之元氣
係焉故敢盡其愚

初八日

問聖人之心何以能與性命天道融會無少間隔
萬物無所不稟則謂之曰命萬物無所不本則謂
之曰性萬物無所不主則謂之曰天萬物無所不
立則謂之曰心其實一也古之聖人盡性立命知
天皆本於心故但盡其心而已矣

問太極與天命心性作何分解曰太極者極至之理
也在天命心性之先而不爲先在天命心性之後
而不爲後與天地萬物間融和會而無終始離合
之可言自古及今無時不存無事不在此爲太極
而已矣

初九日

學問大頭腦總不離知止二字知得止時則此心有
主任思慮之紛出而機趣裕如也任感應之錯投
而本體識如也

再過一茅示仁市

時送慎庵北上

隨意成高會難門逐野閑

茅櫓人跡滿落日雁行同客已傾新漉鄰還佐舊
醅秋風吹別袂驢背又重來

初十日

心無體以事物爲體心無用以好惡爲用離事物則
無知可致離好惡則無致知之功一部大學須於

此領悟

懸境爲愉快者境過轉生淒涼因人爲覺悟者人去
又復脂汝所謂寒人火室煖自外至須是自己精
神徹內徹外深造自得之後自然居安資深火不
能焚水不能竭矣

十一日

周元公識徹全體學透本源其儒之宗乎誠卽太極
卽乾元千古神聖祇此命脈天地人物從此化生
曰道曰善曰易曰性命皆誠之異名耳誠之一字
最難名言故註曰寂然不動者誠也又曰誠無爲

誠則無事後云無思本也不見其跡頻頻指示皆
無極之微言程門觀未發氣象正從吾心無爲無
事無思寂然不動時默默體認而天地神聖之奧
當下可識非二氏之淪於虛無者可同日語也
寂然不動者人生而靜天之性也感而遂通者中節
之和道之率也懲忿窒慾遷善改過君子慎乎動
以還其寂然之體者修道而教是孔孟以後遞及
周程張朱諸大儒皆修道而教思誠者之事

十二日

學人第一要有識見識見不高縱有小執持亦不過

規規自完能幹得甚事古來能辦大事之人須開
第一等眼界認第一等題目做第二等人便是無
識

思慮紛亂此心無主總因志氣齷齪識趣卑暗暗顧
遠而係戀深得一卓識高明之士看破一切齷齪
卑暗之習知水火之必不可蹈必不肯思量蹈水
火邪思雜慮不期省而自省矣

富貴爲賢者不欲是豈人情也哉只不以飢渴之
害爲心害是其所以異於人者耳

心之不能虛者有物障之耳賢知更甚聖心空洞無

物而萬物皆備故能以至虛爲至實此天地之道也

人彥明謂某今始會心廣體胖之義莫只是樂否程
子曰樂亦沒處著此語煞有理會解人正不在多
晦翁謂將與人看不得然卻閉眼便看見開口便說
著這物事須教理會得精透日用行習方有受享
夫道一而已矣天下古今只有這一箇道則學所以
理會此道者亦只有這一箇學若能於一處攻得
開參得透則眼前物事咸歸秩叙遇父自能孝遇
君自能忠遇朋友自能信性之反之之聖人知者

知此而已行者行此而已樂者樂此而已不能於
此處作功課向零星枝葉著手既遠且難終無了
期

十三日

護痛畏攻居然自謂無過者是皆自棄自絕之人也
晦翁云人必全體是而後可以言病痛自謂無過
全體都未是何病痛之可言

康節學於穆伯長每有扣請必曰願開其端勿盡其
意人於道理須經自己思量方有悟入程門亦時
有此意所以多高第泛泛問答祇是一番酬應而

已何闕學問之事

學者大率有四樣一雖知學路而恣情縱欲不肯爲一畏其事大且難而不爲一求而不得其路一未知路而自謂能知象山此語道盡古今人不學之病愚謂不肯爲與不爲其病柔而脆未知路自謂能知其病燥而僞獨求而不得其路者最可憫惻

十四日

人知軀竅之爲已而不知精神乃其已也精神日流轉於軀竅之中與天下之事物相酬酢而人不可見即體物不遺之鬼神豈能養得此精神完以充

周便是不以生而存不以死而亡吾之神與天地之神當不作殊觀

知好樂一步深一步愚謂好樂非難而知爲難蓋好樂者知之盡境也知之至自任手不得惟不知則口貿貿於離迷鬼蜮之場居不知所爲行不知所往逐日飲逐日食不知飲食之味其所以異於禽獸者幾何

嘗見有人焉家庭骨肉之間戕賊實甚而接人應物之際卻紆徐容與絕無疚惡似有涵養者然又有人焉誠確篤志收斂之過反近踟躕夢寐之間嘗

作驚惕愚謂之曰戒懼之人豈遂不許心廣體胖
晬面盎背耶出前觀本心盡喪由後觀有所恐懼
乃知楊敬仲謂元度精神何罪而收拾之亦大搬
脫

十五日

朱子曰無極而太極所以明夫道之未始有物而實
爲萬物之根底也此語可破後學之疑

凡物自無而有曰生自有而無曰化生又未嘗不化
化又未嘗不生只此兩字循環無端與天地相爲
終始明乎此者死生存亡之理晝夜古今之運轉

如指掌矣

十六日

此心須空洞無一物然後能應萬物而不窮所謂因物付物若先橫一物於中則我亦一物矣如何能應物有鄙夫問於我空空如也是自己烏焰

無念中忽起一念而此念遂燎原不可撲滅皆緣平昔貪妄雜慮多思路慣熟遂不能自主法當究詰其何以發端何以歸結真是以身試法自當驚汗無地雜慮漸少則此心清明漸復困勉之功多如此

凡丁艱者人皆謂之居憂謂之讀禮惟居憂故不飲
酒不如輩不御內而禮卽在其中矣居憂而不憂
讀禮而敗禮立身之謂何尚望能顯親揚名移孝
作忠乎人一生只完爲子之事孝弟之道通乎神
明非仁聖原不能滿孝弟之量

十七日

薛文清云靜能制動沉能制浮寬能制褊緩能制急
鹿忠節亦云甯拙勿巧甯愚勿知甯樸勿飾甯疎
勿密此固各爲對症之言而學之所重於此可見
靜沉寬緩則蓄積包藏者多拙愚樸疎則安重有力

而作事可成以此居身應物而元氣常有寡過之
道也

能生君子之敬者自能私小人之侮非誠懇端莊不
苟於言動者不能

吾人一點性靈爲天地古今大主宰只爭悟與不悟
耳悟則天之高明吾性之高明也天高明之覆物
吾性之覆物也地之博厚吾性之博厚也地博厚
之載物吾性之載物也前乎此者幾千年後乎此
者幾千年人賢愚世治亂總此天地民物耳無庸
納之於吾性之中欲推之於吾性之外不可得也

惟不悟則生不知生死不知死與草木同朽與禽獸同蠢豈不可哀

十八日

通小學人謂白沙子語錄甚少愚謂一統事不了然即百千萬言何益能了然此事雖無言可也嘗語馬伯幹曰病至此當大爲休置縱未至灑脫地亦漸省撓亂幸而天年未盡便從此覺悟神理日著非小益也真聞道之言

十九日

大凡平常日用間其良心發露所當擴而充之者儘

自無窮只未經高明人拈出總含糊過去所謂百姓日用而不知齊王不忍掌下之牛非孟子不知其巧也學人須先認取己心明白觸事觸物自然爲他人認取

學人不可有喜事之心亦不可有厭事之心喜事則多事而心虞其紛擾也厭事則廢事而心虞其廢弛也均之病道只行乎其所不得不行止乎其所不得不止如斯而已矣

問陽明謂善惡只是一物此何說也曰人心止此天理恰恰中乎天理便是善不中乎天理便是惡不

是有一箇善又有一箇惡兩物對舉只在人克念
罔念間耳

是日薛行塢視子夏峯以洗滌眉布爲制冬衣修世
好也

二十日

客有談明史者謂置姚廣孝爲邪術張孚敬爲佞倖
是特平之論也以帝臣王佐出處之格律廣
孝廣孝殊非其人然文皇作命之元勲實惟第
一何可沒也孚敬立言之心不必問第問其言當
否不以人廢言夫子固言之矣二人者皆以知勝

愚不可不謂之識時務

三十一日

有感 世仍如此世人猶如此人江河流日下何處
問行津 何以謂之道何以謂之學沉冥過百年
不如一日覺

向陽明儒佛老莊皆吾之用此非兼而取之乎曰皆
吾之用謂吾儒之道大其佛老莊與吾儒之不相
謬者皆吾之道故皆吾之用如云兼取佛老而所
用者佛老之說也則雜矣

三十二日

問直截下手做工夫曰當起念時或善或不善難昧
猶知知其善擴而充之勿使遏抑知其不善遏而
止之勿使匿伏知善知不善知也擴充遏止即行
也此謂知行合一時時刻刻勿忘勿助而已矣

問臨事不能無錯此殆知之未至不知何時是知至
時然後可試之於行曰陽明走路之喻極爲妙
走得一段方認得一段走到歧路處有疑便問問
了又走方能到得欲到之處若必待知盡了然後
行有終身不知終身不行已耳知行並進正見其
合一處

戲簡遊山客 名山從古閱遊人孰是高人莫認真

只恐山靈憎俗子鶴猿行遣護閭津

損莫大於護過益莫大於知非吾平生不能不服膺
蘧伯玉欲寡其過而未能此真夫子心事思使乎
一言託出夫子安得不喜而讀之良朋聚講經年
涉月不知能道此一字否

顏子有不善未嘗不知仲山喜聞過此是聖學真血
脈陽明謂其弟子曰你私意萌時這一知處便是
你的命根愚謂學者千言萬語都不濟事只能克
去己私遷善改過便是立命工夫

二十四日

子孫之才不才總緣貽謀之善不善以厚積遺子孫
不顧義理惟利是視人謂爲子孫作馬牛愚謂爲
子孫作蝎蛇也古今影樣甚多不可不畏其實爲
子孫計久遠除積善無別法

出爲帝者師處爲天下萬世師已一身不是小正已
物正不論隱顯窮達也孔子修己以安人安百姓
所謂正已物正爲帝者師在此爲天下萬世師在
此

伊尹曰子將以斯道覺斯民也孔子曰吾無行而不

與二三子者此是一樣心腸一般責任擔此重担
其如家常事萬古不至如常夜賴有此任耳

終日視聽而目與視相忘耳與聽相忘終日持行而
手與持相忘足與行相忘此處容得一毫機知否
一毫才技否增一機知添一才技便多一乖忤多
一窒碍殊失無心應運之妙

二十五日

昔人謂人生只有這件事凡生時不曾帶得來死時
不曾帶得去的皆不須一毫著念愚謂只有這件
事是生之所以爲生全而生之者無愧矣死之所

以爲死全而歸之者無愧矣不能完得此件生也
罔然死也罔然

二十六日

燈下令諸孺子聯對示以饑餐渴飲酒孫對云春溫
秋涼因講說弟兄之誼示以手持足行酒對云口
言目視予曰眼一耳有喜時眼有怒時眼有哭時
眼酒曰口有吃飯口有讀書口有說話口老夫爲
之喜曰孺子可與言矣何以記之 屬對今朝發
興新天機動處豈由人不離當下口頭語孺子拈
來卻絕塵

二十七日

聞世界多缺陷人情多苦趣不知如何方是圓滿方得快樂曰若求無缺陷之時天地有所不能時有窮通歲有豐儉身有老少隨緣順應不作非分之想任世界之缺陷而我不見有缺陷也人見爲苦趣而我不見爲苦趣也如斯而已矣

二十八日

聞狂狷二字有差等否曰是狷也是又其次也便是差等狂是要做聖人雖行有不掩然心事光明無殲護用未必有必爲聖人之志其知恥不苟可激

發以入於道聖門曾點膝雕開與原憲是此兩人
樣于

二十九日

從來欺世盜名之人有能欺身後而不能欺生前者
蓋身後之耳目易蒙而生前之聽視難掩有能欺
生前而不能欺身後者蓋生前之指視猶短而身
後之摘發甚長總之假者可僞定終難久襲耳前
有春秋後有綱目假仁者與行仁者有辨襲義者
與集義者有辨到底世不可欺名亦難盜所謂小
人枉做小人耳

三十日

水遇寒凝結成冰冰遇煖消融成水水與冰原非二物人心者一念之逃道心者一念之覺逃如寒之凝爲冰覺如煖之融爲水亦非有二物也覺時卽非逃更無兩候

九月

初一日

問百姓日用而不知曰人誰能明叛於綱常名教之外遇父亦知愛遇兄亦知敬遇親戚朋友亦知禮讓此百姓日用於其中者也而謂其知愛親之實

以盡仁之道知敬兄之實以盡義之道知親友相接之實以盡禮讓之道此賢知所不能者爲敢望之於百姓乎道之不行由不明孟子叙道統而歸於見知聞知則知乃聖者事民可使由不可使知民原知不得

問聖人之道爲宋儒所蒙曰聖道如日中天明者不能增潤昧者不得加翳謂宋儒盡無蒙氣我不敢知謂宋儒盡蒙氣益不敢信以經書之言折衷諸儒之語其得矣自見

田華石啓水兩顧夏峯華石蔡人也因語及馮少墟

學術極正康劉山救李獻吉自是英雄熱心孫立
亭周旋楊忠愍身後事甚悉所利節概之士

問一問一答便是致知力行謂致知可也如何便是
力行曰知得親切此時便撤去許多障礙陸子靜
悟得四方上下往古來今是一家人則知所到處
即行所到處正見合一本體如云知之非艱行之
維艱恥躬之不逮是以工夫復本體上根鈍根原
有兩般人立言之旨自不容混施

初二日

長生之說久中於貪生者迷妄之心結成誕幻之夢

不知人無百年不滅之形而有千年不朽之心堯
舜禹湯文武周孔以至周程張朱諸儒其形之滅
也久矣而其心固炯然常留於天地間也卽二氏
所謂長生超生死意亦如是於此不悟必欲苦苦
存此殘喘之形軀亦愚矣哉試看暮年之人志氣
皆亂似無知識之孺子夫孺子之無知識其天全
暮年之無知識其神亡神亡而形存所以晚年多
敗德耳長生何益

姚江謂無欲爲靜不獨得元公之要乃聖學心法也
心齋謂心有所向卽是欲此又得文成之要近溪

又謂只動念在軀殼上取足求全者皆是此又得
心齋之要

學問功夫不得純熟只爲日用之間念起念滅變幻
甚多逆者從明處變而爲暗從樂處變而爲憂所
以長戚戚覺者從暗處變而爲明從憂處變而爲
樂所以坦蕩蕩坦蕩者常不變則功純力到便是
成德君子

問道從何處入門曰從知入不知則昏昧放逸舉步
便錯何時是到家之日故學先知止知止如明眼
之人決不蹈於荆棘亦不怕荆棘爲碍所以能定

靜安處而終歸於自得之也

初三日

人生於自己面目原不曾認的出如對鏡見影卻問
這箇是誰故目視耳聽而不能爲視聽之主手持
足行而不能爲持行之主一身之官體且無著落
此身安得有受用之時學問求下落只求當下此
身受用得著便不虛度此生

初四日

尚夫子一天也亦嘗以知天命自任乃於子臣弟友
之庸行則曰未能也曾子得聖人之傳聞一貫而

唯乃於先王之王德要道卻避席不敢當曰參不
敏何足以知之此何以故曰孔子之未能正是其
知天處曾子之不知正是其問一貫處蓋天道原
容不得一能字一知字若自以爲知能則其去天
道也遠矣天道總一虛靈聖心亦只是一虛靈而
已不虛靈者知能障之耳

問聖心無知聖心無能何以曰日有知而月無忘也
曰日有知月無忘即到知之盡能之盡而有詰以
至德要道子臣弟友者仍舊無知無能焉耳

初五日

古來賢聖諸儒言不可爲典要但看當日必言之意
各有對針甚不可執著論也如言舜其大知又言
所惡於智言必有事焉又言行所無事言思則得
之而又言何思何慮言敬而又言忘敬言忘而又
言忘即是馳言不可如槁木而又言且靜坐言必
存養而又言說甚涵養此等語不能盡述總之看
道理萬不可泥於一家言曲士之不可與於道者
拘於見也

初六日

問有言天理不足恃老曰彼原不識天理烏能恃天

理識天理則無一物非天理也無一時非天理也
堯舜禹之執中湯之明命文王之德純孔子之一
貫曾子之至賢子思之中庸孟子之仁義周子之
太極總之一天理而已明道言吾學雖有所受天
理二字卻是自家體貼出來能自己體貼出來則
動靜語默得失存亡無刻非天理之流行我與天
理不得分之爲二若云恃天理則猶受命於天理
也

初七日

問天地之道一誠而已而天常不清地常不甯如寒

暑不時災異迭見福善禍淫多不當者豈天地亦
有所不就與曰此正見天地與人同體人者天地
之心也人動處有差造化亦有差猶影之隨形毫
髮不爽王省惟成鄉士惟月師尹惟日果然交勉
清甫立見

初八日

明道與門人講論有不合者則曰更有商量伊川則
直曰不是原有該商量該不是者但在兩先生各
足以想見其氣象

年友沈芳楊仲子崇儒過視夏峯送其尊人錄本伊

洛淵源一部

助君子使必成其美此固仁人長者之行御小人使
不罹於法此尤天地父母之心

初九日

張橫渠少以才自豪且視明道兄弟爲外兄弟之于
而虛心求教切切師之懇懇如不及其學成德尊
識者謂與孟子比此在張子之舍已取善誠不可
及而程子能令張子之舍已其品地可想

富彥國身都將相嚴重有威人不敢仰視堯夫視他
將做小兒樣看此是孟子藐大人一般魄力堯夫

家才孟子浩氣千載下英光動人

與盧頌夢丈人賞菊 東籬千載未成塵僻徑猶堪

託比鄰閑叟九旬于望八閒來對酌兩精神

初十日

問于弟成人曰呂希哲有言內無賢父兄外無嚴師
友而能有成者少矣以姑息爲愛不擇勝己之友
以輔之是曰棄其子弟者也

十一日

漫謂世間無好人此三字見心術刻薄實傷元氣

上蔡與朱子發講論語舉子見齊衰師冕見二章曰

聖人之道無微顯無內外山洒掃應對進退而上
達天道本末一以貫之一部論語只恁地看如上
蔡者可稱會讀書

十二日

客謂鄉賢名宦視於學宮表當日之賢垂後來之範
典至重也世教凌夷是非淆亂凡有一官一職或
于躬有官職者皆得與焉濫觴至此當何法以補
救之曰黜陟之典幽明一理從來議入議出旋入
旋出者屢矣如追奪官誥時時有之豈其以不才
之人冒竊俎豆而遂成不刊之憲乎天日晴霽正

日言
人一言而釐正之亦清楚時弊之一端也

客謂爲親友緩頰當道不問其人之賢否樂欲其私庇俾是非不明於天下而好惡不快於人心仁人君子處此應如何曰仁人君子自不肯以私庇匪人然爲人緩頰亦是過譽令人輕吾言爲厚道於直道之中處已處人兩得之矣

十三日

程伊川以布衣召見尹和靖亦以布衣召見伊川嘗曰我死而不失其正者尹氏子也和靖在講筵上問孟子謂紂一夫如何和靖曰此爲當時之君而

言也時有進疑孟子說者上問程頤謂孟子如何
和靖曰程頤不敢疑孟子

伊川嘗云晚得二士謂和靖與張思叔繇也繇三十
歲方見伊川因請孟子志士不忘在溝壑勇士不
忘喪其元慨然自得蓋能守此則無不可爲之事

十四日

胡康侯於春秋窮研玩味游泳沉酣者三十年又得
伊川所作傳其間精義多相合符益以自信探索
愈勤當時之君若臣亦謂深得聖人之意非諸儒
所及所得如此方能令後儒之指摘而尋其病痛

大凡有病痛之可言者皆嘗以身體之而實用其
力者也孔子往矣於其言語而會其神情既不得
與於見知之列自當虛以質之百世之後聖未有
居之不疑而定不許後儒之忠告於前賢也能忠
告前賢必有度越前賢之意其人者間氣所鍾豈
易得哉不如而作虛言煽亂者燐火耳曲士能辨
之矣

十五日

快心娛志之言入於耳令人意蕩而氣昏小人之禍
國家非人之敗善類舉皆山之直臣諍友之利類

非甚庸暗解有不知然非賢明不能收其益庸已之難如此

龜山令仲素思索飢者甘食章且云此語若易知易行而有無窮之理仲素思之累日疏其義以呈龜山云此語甚善但更於心害上一著猛省則可以入道仲素一生服膺此語凡世之所嗜好一切禁止故學問日新人不可及目非龜山拙闕微鑄而仲素於言下省悟何以臻此

延平以書謁仲素云侗聞之道可以治心猶食之充飢衣之禦寒也人有迫於飢寒者皇皇焉爲衣食

之謀造次顛沛未始忘也至於心之不治有沒世
不知慮豈愛心不若口體哉弗思甚矣此與無佩
濁之害爲心害互相發

大抵讀書人思索義理到紛亂窒塞處須是一切放
下且靜坐教胸中空蕩無係著卻舉起一看每事
便有下列程門喜見人靜坐輒嘆爲善學龜山相
傳指訣以及仲素延平皆如此昏亂鬧熱中看道
理明徹非養成後不能

十六日

子嘗言夢寐難對蓋謂有是心因有是夢亦有絕無

是心而忽有是夢者甚訝之隨於鷄鳴平旦時簡
牘生平無是心矣或壯年有之或少年有之其
根猶在故不覺其伺隙而竊發也無盜賊之夢者
原無盜賊之心種種情緣物欲畢竟有蘊而難割
者在是在當人自搜剔耳

孟子曰其所以放其良心者亦猶斧斤之於木也墨
謂斧斤之伐牛羊之牧人猶爲山木惜之而致恨
於斧斤致恨於牛羊聲色貨利之嗜好終身求而
弗得得之終身樂而忘返幾見有致恨於聲色致
恨於貨利者乎日夜之休息無期雨露之潤澤不

到故曰殆有甚焉

十七日

古之公孤保傅坐而論道之人雖係臣僚皆所稱帝
者師王者友故官不必備惟其人自漢唐宋至今
保傅公孤相沿如舊而其實亡矣既無以發其隆
師親友尊德樂義之心自無以防其戲慢嫖狎奇
褻雜進之害官愈備而官省之關禁密之地所窟
穴盤據於其間者不知何人望主德之清明世道
之平康也有是理乎江河日下砥柱莫施君負臣
耶臣負君耶總不必問士大夫有恐懼修省閉戶

讀書而已

師友之誼既難望於君臣堂陛之間而比肩事主各懷異意以相傾陷究且同歸命於洪濤烈焰之中總因不能親師取友遂至置身無所士大夫不能親師取友并獲上悅親而胥失之豈不可憫李延平嘗云侗從羅先生得入處後無朋友幾放倒了此老以仲素爲師元晦爲弟猶作此言可謂以師友爲性命者矣

問讀紫陽行狀云自先生去國鄙夫檢人以學爲僞語蓋六經悉爲世之大禁稍以儒名者無所容其

身從遊之士有更名他師過門不入甚至變易衣冠狎遊市肆以自別其非黨又云先生訃告所至從遊之士與夫聞風慕義者莫不相與爲位而聚哭馬禁錮雖嚴有所不避也兩說出一人之手豈不自爲矛盾與曰紫陽門中自應有此兩般人前之說爲小人畏禍者言後之說爲正人不畏禍者言各極其情之所至不足怪也

十八日

問夜氣平日之氣浩然之氣前聖俱未有說此是孟子剗闕不知從何處得力曰浩然之氣從集義後

養成剛大充塞天地存夜氣保旦氣自好惡相近
使不悖於旦晝之所爲而勿忘勿助皆是川集
功夫義以集而精精義入神便可建天地質鬼神
考三王侯後聖千聖相承同一源本孟子顧學孔
子者也義以爲質非集義乎禮行孫山信成總所
以熟其集義之功到此纔無義與纔能慊心義之
與此所謂由仁義行也孟子自負見知見此耳
父兄喜得佳子弟子弟樂有賢父兄富貴功名之外
定別有具紫陽嘗云蔡神與所以教其子者不干
利祿而導之以聖賢之學其志識高遠非人所及

故蔡氏祖孫四世一轍

十九日

盈天地間千條萬緒紛陳於吾耳吾目之前凡入於
吾之目其視之禮與非禮目不能操其權凡入於
吾之耳其聽之禮與非禮耳不能操其權總而歸
之於心心主思思其非禮者勿視勿聽此謂先立
乎其大此處大有擇義工夫思則得之而大立立
之久則紛陳於吾前者各歸條理思而還其無思
之體故曰天下何思何慮認何思爲無思何慮爲
無慮未免以食色爲性其流弊將不可言邇來學

人多主此說不知於夫子近思慎思九思之音當
否周公大聖且仰而思之夜以繼日方能不勉而
中不思而得屏思絕慮吾未見其能得也能中也
聖人從容中道纔見天下何思何慮

二十日

致田水部 第五十年守不見諸侯之義獨樂於親
就先生者爲先生真意流行相信有素故不待召
而往適金老諸君見顧云先生向來與諸公酣酣
用情太厚雖一肉一菜價值且多於市肆第念先
生冷署且舊昇託塵外如以此待弟是棄之也

第三十年前約六器輩素半之愛我者必信我不
信烏在其爲愛先生尤請午餘趨教

三十一日

問聖學之要曰無欲夫子之思剛思其無欲者也顏
淵死曾子之宏毅卽所稱剛者乎曰省忠恕正所
以清其欲心耳子思受業於曾子思誠以達天德
孟子受業於子思直養而配道義皆所稱無欲而
剛者也孟子沒聖人之道不傳焉元公無欲是真
血脈無欲未易言須自寡欲始其爲人也寡欲雖
有不存焉者寡矣內多欲而外施仁義仁義豈可

以襲取貌編哉

十二日

劉少傅招飲有青庚子之秋值公里居黃花盛開乃
開鐙見招且命攜兒孫將車同過公出諸公予行
爵儼然古人廳門置膝景況某以龔曠蹢躅狼側
盛舉已過辱禮下兼之余家三世均得雁序其中
長幼雜然繼以卜夜雖一日良緣誠千秋佳話躬
膺斯契情見乎辭 金風浙瀝薦高旻草野留堪
望古人依樹宅年吟衆謝將車茲日見諸菊黃花
羅立成孫子白髮蕭森對主賓醉後支筇歸去暮

還懸陳榻卜宵晨

二十三日

王伯生損擲其二子過夏峯問學於其歸北平也詩
以送之 家住在盧龍寰海恣飛越十載大河南
氣志無顛蹶世事入眼明有裏盤招揭人謂進善
猛猛乃不中歇人謂嫉惡嚴嚴乃不受机欺予子
益友每向余咄咄菲陵襄伊人一見欣清樸攜切
登草堂請以第千謁相將幾夕晨有扣無不竭臨
路莫嫌然千里同明月

二十四日

問制欲非體仁慎雜非慎獨調疏其義曰克伐怨不
不行焉是制欲也體仁則從其仁之端擴而充之
如火始燃泉始達何庸閉之使不行也克伐怨欲
使之不行是慎雜也慎獨則一誠常權眾私屏息
如大將登壇兵卒自肅又何用巡事而慎防之哉

二十五日

伯生問少懼憂患飄泊他鄉空囊攜幼託寄親友原
以未嘗學問之身而貧旅蹉跎歲月虛擲望先生
一言以爲指南曰生於憂患予與固詳言之矣行
拂亂其所爲此句最宜著眼蓋欲求無病之濟身

安之貧而不可得也子既立不忘溝壑之志只奉
此念而往便無不可爲之事便無不可了之事耕
讀樵漁皆樂業也故國他鄉皆安土且鹿石鳶魚
皆同志也虛龍幾千百年只有一箇田子春子歸
而求之有餘師

友人自豫州來詢及庚午復豫城事曰金偕道尋張
椿之功言其事歷歷因及椿在塞北寄居蕭寺不
削髮不拜玉宸向西拜坐亦向西剛心烈氣東人
皆敬事之因敢犯椿終其身以賓師自處數年間
此語初疑之久而信終令人敬服文文山不惑

畢旦夕之命隱然以箕子自處此可想見椿之心
矣

二十六日

問形色天性而人不能踐形者形色離天性耶天性
離形色耶曰日常明耳常聰是天性也而明有時
而昏聰有時而塞是天性離形色而形色非天性
矣踐形者祛其昏通其塞耳目之官不誘於物則
聰明之體依舊須從心之官得力

二十七日

問大人者不失赤子之心曰不失二字最有力如盆

中菊赤子之不學不慮是根裏花大人之不思不
勉是稍頭花能滋息灌溉併枝枝葉葉毫無損傷
其用功也亦勤矣苟得其養無物不長苟失其養
無物不消知此方可言不失赤子之心

二十八日

寄杜君異 子與氏云無財不可爲悅此語殊令仁
人孝子居貧而守志者扼腕千古幸有夫子殮首
裹形未爲不孝之責庶寒士當大事不至飲恨於
心而負罪於世太君之變固知親大抱子與之痛
然不能不酌於尼父之言六十不毀隨分自盡但

願體大君之心爲心此僕之所望於親丈者

二十九日

無財不可爲悅得之爲有財而以天下儉其親此名
教罪人也然實無財必以財爲孝破廉喪恥辱親
實甚故曰殮首裝形未爲不孝喪與其易也甯戚
孔孟垂訓總以教孝有情有文者於親無憾於心
無憾情至而文不至者有愧於親無憾於心情文
兩不至乞墻登塹務爲苟得祇虧體辱親而已矣

三十日

得倫之楷簡烈一則入畿輔人物考

十月

初一日

率子若孫家祭 俗傳此日送寒衣大凡從祖父起
意無非喚醒人心春秋霜露之感耄年未能展先
人之墓念之有餘恫焉守墓兒孫當體予心不可
怠忽從事

初二日

齒搖不甘食粘此以志老態 耳聾不聞喧眼暗廢
書史無事此靜坐用知亦安止獨是齒搖搖所啗
失其美殘年借食養舉箸慙嘆只已落難重生誰

存無久理齒與耳目較緩急孰可以君子曰不然
老態愿如此

初三日

作豐壽堂集序入歲寒二集

初四日

偕諸同人屬盧韻琴慶九十

初五日

客問道在眼前如今眼前何處是道曰適間川極父
不舉著子不敢先食父有問子起而應對客續到
卑幼候長者先揖少者不敢行長者前何莫非道

也百姓日用而不知著而察焉道豈有餘蘊哉

問太極生兩儀兩儀生四象四象生八卦原是漸次
相生還是一時俱足曰太極者終天地而始天地
終萬物而始萬物與天地萬物圓融和會而未嘗
有先後始終者也有形則有影有一則有二有三
以至於無窮皆然其生也若有漸次之可言其實
一時俱足

初六日

問諸儒語錄一人之言前後亦多有不符合者何也
曰自少至壯壯至老氣血有盛衰識見有增益功

力有生熟孔子叙志學以及從心因年而進朱子
晚年定論悔從前自誤誤人語言文字之間少是
如此壯是如此老仍如此此是未嘗學問之人剽
竊一言以作門面非所語於深造自得者也

初七日

書王念修立嗣契後 王茂才念修名之蓋與予居
相鄰今十年矣本分自守橫逆之來忍死不敢與
較不幸而有疾疾且革義社諸友憐其壯年乏血
允母老二女幼欲爲立嗣苦有阻之者族長志學
擇其姪茂才維坤而立之於立愛立賢之義正有

合焉維坤以婦母撫育成人出廟於外不安於心
子曰功令有移封本生父母未嘗不得展其孝也
此舉極善故附數言於後

初八日

問自立之道曰必欲隨俗入同流合污一路必不隨
俗入素隱行怪一路均非特立獨行之士

初九日

問人生何事爲第一義曰知恥不知恥無論忠孝大
節不能做即小廉曲體之事亦不肯做

初十日

同從古遁世理名之士如荷簣楚狂丈人之流豈非
所稱不愠無悶者耶孔子奚不取焉曰不愠無悶
者以天地萬物爲徒荷簣楚狂輩果於忘世者也
此中相去正千里耳

十一日

問集義襲義曰集義者以有恒爲心善人爲質狂狷
爲骨充實積累光輝發越漸至於中行聖人之地
襲義者原義以真實心誠信於天下貌忠信廉潔
之似竊襲實君子之名本同也而謬託於和本比
也而謬託於周本驕也而謬託於秦漢唐宋之豪

傑未免多落義襲一路君子謂之不闢道

十二口

問色厲色莊色取於五霸之假同異何如曰色厲者
譬之盜色取者行多違五霸接三王其功不小唐
虞三代之治邈哉不可再觀卽如霸功亦豈易見
哉孟子曰今之諸侯五霸之罪人也

三十一

從來謂潛與見爲兩局闢與章爲二境愚謂君子潛
固潛卽見也仍不離潛之體總歸於潛而已矣君
子聞固闢卽章也仍不離闢之用總歸於闢而已

矣君子之所不可及者其性人之所不見乎潛與
聞之謂也

十四日

瑞田與予新中表兄弟因來從遊每與予談及其鄉
之前輩聞人亦皆予所夙聞可謂不苟於言矣予
新爲言其尊人虞徵公於壬午以有道授登州之
黃縣令抵河間禍出非意城破虞徵公烈死瑞田
抱隱慟遂棄舉子業予聞而傷之且起敬焉瑞田
不能忘其親當益思守其身則不負來問字之意
而予亦可以對子而無愧矣

十五日

與城中諸友 沈茂才逢源僕庚子年友芳陽命出
客死於輝已十餘年矣無子而貧今其姪來葬其
叔此最近情近理之事僕爲具庶饌題一旌欲煩
諸人借件一弔亦厚道也

十六日

與王夢航 耿生初至夏峯狼狽可憫第以先生
尚誼語之渠感且泣但麻衣未敢登堂敬聞左右
十七日

語二輩士 凡繪圖者無非繪其山水樓閣園林之

得而以娛觀覽吾不知簞食瓢飲在陋巷之人有
何山水樓閣園林之偉而可繪也善繪者能繪其
章著之跡而不能繪其闊淡之神此繪事之所以
後素與願二君於此更進一解

十八日

問學何以能不厭教何以能不倦曰聖人與天同一
不已法天之學以爲學自然厭不得此所以忘食
忘憂不知老之將至法天之教以爲教自然倦不
得所以云吾無行而不與二三子者是卽也

教雖多術然不辯誘掖磨練兩法誘掖爲初發心者

設磨練爲久發心者設初發心但據見在一念
方接引絕不苟求孔子成就五鄉童子一項人
子引齊宣於王是也久發心則必通照其平時
加簡點畧不假借孔子成就及門諸大弟子一
人孟子謂樂正子徒哺啜是也涇陽云兩法兼用
方纔可大可久

十九日

問先儒謂滿街皆聖人又言世間無現成聖人此言
何也曰滿街皆聖人是就本體言人皆可以作聖
無現成聖人是就功夫言不爲則不能証聖各有

其旨在此

二十日

復杜君異 前付伯生一函知已入覽友招來川素
札殊令人不忍讀終身之慕獨於親丈見之至意
外一事親丈不忘自反郎君又且知過不美之中
却見道力所謂憂患者生之徒也子輿嘗欺人語
哉孫女蚤失母祖若父隔遠又不能撫而教之太
君與舅姑俱不督過其無知老夫竊自羞有顏矣

二十一日

問過去者不能不沾滯未來者不能不將此片思

如何曰不必然之沾滯不必然之將迎應當下立
斷然亦有過去未來而與當下相關者則過去未
來皆當下也孔子忘食忘寢以思周公仰而思之
夜以繼日豈其沾滯於過去將迎於未來者乎
前日之非堅後來之是皆從當下做起

問源頭關頭之辨曰富貴貧賤造次顛沛總一源也
分而言之富貴一關也貧賤一關也造次一關也
顛沛一關也顧涇陽云就源頭上看必其無終食
之間違仁然後能於富貴貧賤造次顛沛處之如
一就關頭上看必其能於富貴貧賤造次顛沛處

之如一然後算得無終食之間違仁耳

二十二日

問塗人之心與聖人之心於何處証其同也曰天地之德曰生人得之而爲不忍人之心人皆有之愚不肖雖經蔽鋼皓亡然乍見孺子入井則依然呈露而不能自認而自守之進之而月一至焉日一至焉則仁體見矣再進之而三月不違以至終食無違則渾然一仁矣此便是至誠無息與於穆不已同一境界人甚無忽此乍見也

二十三日

世運有古今人知之而一人之身一生亦有古今焉
一日亦有古今焉由孩提而稍長而壯而老一生
之古今也由鷄鳴而平旦而晝而夜一日之古今
也一生之古今當於孩提稍長時清其愛親敬兄
之真念勿令有初者鮮終一日之古今當於鷄鳴
而起時清其有善無利之本念勿令出此而入彼
一刻倏忽遂成墮落可不勉諸

一十五日

從來做聖賢做豪傑眼界欲空腳跟欲實眼界不空
則識趣卑陋閑手便差腳跟不實則操修影響到

與連或孔子登太山小天下眼界之所以空也君
子之志於道也不成章不達腳跟之所以實也

二十六日

貞靜ヲノルル 於死於生相見黃泉無愧色曰貞
曰靜應知青史有餘香

二十七日

張侗初云人須生能死得死能生得方會了生死此
言形生非生形死非死有所以起於生死之外者
在有元客云若要生此身除非死此心此心若不
死此身安得生涇陽島而擊節稱善賡之曰若要

生此心除非死此身此身若不死此心安得生繼而思之須是生死一齊放下易不云乎窮理盡性以至於命窮理便識得生死盡性便了得生死至命便造得生死如此并無生死可言所謂一齊放下者亦成剩語矣

二十八日

秦伯聘令其子宗游專拜正弟子之禮

二十九日

王文成曰只存得此心常見在便是學愚謂常見在三字極平易極高遠孔子之時習孔子之常見在

也曾子之曰省曾子之常見在也顏子之四勿類
子之常見在也孟子之勿助勿忘孟子之常見在
也子思之戒慎不覲恐懼不聞子思之常見在焉
無一刻不在便是至誠之無息天道之不已稍雜
以物欲則此心時在時不在全爲物欲所錮蔽則
此心一放而不復存矣只一心不在便不可以爲
人孟子求放心三字是起死廻生之手

十一月

初一日

問人做不將去畢竟是稟賦有偏全非祇因學力之

厚薄曰一諉於稟賦則人人皆可卸責誰肯下用
勉工夫古來聖賢不知歷多少艱阻費多少辛勤
一畏難便諉於天之限我此正所謂自暴自棄蓋
論本體要是人人具足論工夫未必一一皆是果
能此道矣愚必明柔必強良非虛語

問見在便有下手處到底亦無下手處請指示其說
曰學人拈此二語意各有指子釋其義見在所居
之位各有當行之素只就此素位下手而已矣此
外何容心焉無時不有素無時不當下手所以無
下手處也有下手所以勵其始無下手所以要其

終總是學人進進不已之功

初二日

世人大都以聖賢豪傑爲必不可能甘心爲愚不肖者此無志之凡民也指悟頭爲了當認見成爲聖賢不事學修之功謬以食色爲性此一流人竊自負爲不世出之豪傑不知祇成一無忌憚之小人而已矣

初三日

問恭敬忠便是仁否曰恭敬忠是仁中條件乃下干做工夫處禁遲問仁是向夫于求本體夫子卻教

他做工夫統體是仁居處自恭無恭之可言執事
自敬無敬之可言與人自忠無忠之可言此本體
即工夫學者求仁居處而恭仁就在居處執事而
敬仁就在執事與人而忠仁就在與人此工夫即
本體恭敬忠須淋漓足色仁方免得色取行違夷
狄不棄總是用功親切處

第四

問道在眼前如飢食渴飲隨在而是此語然否曰道
原隨在而是然須是乃謂之道如飢渴害心有何
是處錯認了路途便入坑陷

五

寄劉公勇 道丈之歸山也真可謂大勇哉況則者
無不仰企然類上風物視百泉爲勝况是故園固
知道丈之不能來但意興偶到亦不容不一來
則以夏峯爲居停不僦居不種地兼山堂主人雖
耄矣尚堪佐道丈一臂此語不敢爲他人言於知
已則不容默默耳天地即寥廓撐拄者實未得
人有其人矣悠悠錯過豈不可惜久無便爲
王子之父舊與公家有聲味之好附此當一
百語

初六日

日譜

卷十四

五

爲王君佐家譜序 入歲寒二集

初八日

龍溪持論以赤子之心孩提之知愚夫愚婦之知能
爲見成聖賢人人具足不是外求劉師泉非之曰
開天闢地鼎立乾坤吾自創業不享見在此二說
者各有苦心處但直任見在爲止足固不可離見
在懸空去做亦不可羅念菴曰師泉早年爲認見
在所誤故從自心察識立說龍溪指點極是透徹
須從收攝進步處處綿密莫作玩弄始是去兩知
取兩長此前輩朋友講習眞實切確處

初九日

問靜靜二字之義曰學先主靜周子曰惟無欲故靜
大學所謂定而靜靜而安也自靖以自獻於先王
殷三仁各有苦心極慮處耳非主靜難以語靖獻
非自靖亦難以語靜安源流亦合

初十日

爲薦馨答問錄序 人歲寒二集

十一日

天章問盡其心者由於知其性也出於二字似知性
還在盡心前面恐非孟子本旨向來不能無疑自

于卻疑得有理易曰窮理盡性以至於命此句是此章主腦所謂盡心者窮理而已能窮理方能盡性能盡性方能至命至命者即所謂知天也未能至命窮理盡性是至命的路數夭壽不貳修身以俟是窮理盡性的工夫到盡性則命自我立矣此孟子原學孔子的精義

十二日

天章問初學從何處入手曰隨時隨處體認天理程兄云明道謂天理二字是自家體貼出來初學體認語此先須靜坐何如曰爾卻看靜坐太容易體

心淨氣人靜坐不得熱心急性人亦靜坐不得元
公之無欲延年看喜怒哀樂未發纔是靜坐的榜
樣子嘗云學先不觀不聞地功在勿忘勿助間此
是靜坐的功課程門見人靜坐輒嘆其善學非大
酒養人不能若以槁木死灰爲靜坐則枯禪耳非
儒門宗旨也

問有言先明後行有言知行合一者何者爲是曰
知行自是合一然此乃聖者事知而後行賢者能
焉知而不行庸衆也不知而行妄人也

問朱陸畢竟是同是異異果何以異同果何以同曰

陸從尊德性入朱從道問學入此其所以異也然
尊德性豈能離得道問學道問學亦不能離得尊
德性總皆聖人之事也此其所以同也

問養心莫善於寡欲欲之乘人也最微最暖千頭萬
緒紛至沓來如何能寡的曰欲不有身則心不能
養從古未有以多欲而爲聖賢者也寡得一分欲
清得一分心方成得一分人聲色貨利中斷無人
品此處須要割棄

問因果有無曰因果有無俱不必論第謂忠臣義士
舍死地下便以爲殃而無作善之報則非也亂臣

賊子含笑九原便以爲祥而無作惡之報則非也
天既成之爲忠臣義士則忠義便能立命祥有大
焉者乎夫既俾之爲亂臣賊子則亂賊便是定案
旗莫殛於此矣一時之賞罰可逃千秋之褒貶
掩其平可畏竊莫究積善不靈也

十三日

問顯然惡念猶易制伏惟無端之中忽起惡想懍
於心牽扯不離當如何曰此是人心潛伏業道心
之僻漏遂竊發焉而橫不可制法惟有純善集善
之功密吾慎獨之念此段功課自審自問而已

十四日

問未發以前空洞無著似無善惡之可言自思慮一起真妄始分告子言性無善無不善也正是未發以前一段光景何以見之賢曰此正釋儒之辨毫釐千里全在此儒謂本心行有不得一味反求反求則戒慎恐懼所以未發爲中中節爲和然一至善而已釋教本心行有不得一味求勿求則割裂斷義未發安得中發安得有和故以無善無不善立論諸佛千經萬典皆本此五字爲骨告子禪宗也孟子則告子更難於釋楊墨陽明教

子曰無善無惡心之體謂無善之可言正見其爲至善與告子之意星淵矣

問周易云仁者見之謂之仁智者見之謂之智說者以爲承上一陰一陽之謂道以仁爲陽智爲陰也至論語却云智者動仁者靜是又以智爲陽仁爲陰矣同爲夫子之言何以兩相矛盾耶曰陰陽動靜分屬仁智以爲二則二以爲一則一所謂性之德也合外內之道也易曰仁者見之謂之仁智者見之謂之智雖以仁爲陽智爲陰然陰陽自不能相離也子曰智者動仁者靜又若以智爲陽仁爲

陰矣然動靜亦何嘗不互爲根乎各就其呈露若
見爲如此則如此言之若見爲如彼則又如彼言
之原無矛盾中庸曰成已仁也成物智也倘再曰
成已智也成物仁也庸何傷能於理了然自於辭
不執泥耳

十五日

問告子曰生之謂性是純以知覺運動爲性矣而朱
儒則曰性卽理也理是無所知覺的何以主張一
身耶性果理耶抑理氣合一而至宰此知覺運動
的一點靈妙處爲性耶曰太極生兩儀兩儀生四

象四象生八卦以遞相生於無窮總之理與氣渾
洽融浹於其間欲分之而無可分欲合之而不待
合人爲萬物之靈得其醇氣獨厚孔子曰性相近
蓋人與人相近與物則相遠矣孟子曰性善人性
皆善物性則有不善矣如專以知覺運動爲性理
於何歸專以理爲性氣於何徃理以至宰乎氣氣
以運旋乎理上下四方徃古來今無處不充周聖
人盡性所以能騁宇宙爲一家爲一身性中一點
靈妙處告子既不知惡能盡天命謂性故盡性能參
天地贊化育

問孔子曰天下有道則見無道則隱時至春秋可謂
無道之極矣夫子何以不隱而且曰天下有道即
不與易也曰有道見無道隱士君子出處之義孔
聖人宇宙在手造化生心唐虞三代之治夢寐以
之自不肯果於妄世天下有道即不與易悲天憫
人意更悽惻以跡觀之孔子不能轉春秋之世爲
三代似乎終身行而終身藏然教鐸萬世賢於堯
舜實終身藏而終古行者也包舉宇宙之全體全
神自生民以來一人而已

聖格物云云曰格物二字是聖學大關頭諸家聚訟
未有定歸既不能起見由於今而問之須求信得
過此心者而定所從據予所疑卽物窮理格一物
欲格其不正以歸於正耳此三說者功令主窮理
愚意四十年來主正物蓋窮理者聖學之首事正
物者聖學之結局誠正致知後面始窮理則所謂
致知者何功之操也正物者知之明處之當誠正
修之功方有著落家國天下之事方無參差蓋帝
王聖賢處事處人不過求一安妥而已愚謂陽明
乃紫陽之功臣人謂與紫陽相牴牾者曲儒也豈

虛中無我共情大道之意格去物欲之說亦正心
誠意時功課誠正致知是大人正己格物便是物
正

問日月至焉而已矣曰一至焉於仁猶審月一至焉
何其疎也恐果達藝諸賢不至如此曰此至字與
端倪偶露者不同當至之時與同之不違同是一
箇仁之本體但不能如同之純才識氣魄用事曰
謂仁不得孔子於及門之人決無錯評

十七日

問孟子素高不見諸侯之節何以見梁王曰士無端

而見諸侯不惟自失其重并非所以重諸侯不爲
臣不見此定分也梁王旣切願見之懷情禮已至
孟子豈戕于木者流而不事王侯高尚其志原不
足以撥之見諸侯自有陶鑄諸侯之手轉春秋戰
國而爲三代此段苦心極慮願學孔子衆人固不
識也

問孔子謂伯夷爲古之賢人孟子則以爲聖之清
以孰爲定論曰夫子於伯夷曰不念舊惡曰求仁
得仁雖利賢也而無憾辭孟子卽謂夷爲聖之清
而曰隘曰非所願學已明不足之意各就所見

而立許焉非闕優劣也

問管仲云云曰夫子於仲也雖大其功然亦嘗小其
器瑕瑜互見以示天下萬世之公至戰國時止知
有霸術絕不講王道故孟子卑其功而以爲不足
爲提一王字以折服雄主強霸之習俾不敢令之
舍所學而從我此亦對病之言仲尼之徒無道桓
文之事非孟子誰能具此識力

十八日

問孔子論事君曰勿欺也而犯之又曰信而後諫
女樂之歸何一勢一遂行若爲明哲保

身計國家有事將賴何人擔當耶曰勿欺而犯信
而後諫此自人臣事君之誼然非所以律夫子夫
子於列辟君臣而賓師者也其仕止久速惟義所
在與天地合一德因時合其序明明不能取信而
強犯以取辱是區區守一節効一令而已聖人之
所爲賢者不能爲賢者之所爲聖人不肯爲了一
身者必不能了天下萬世于路之殉衛事也且不
能了一身矣

問孔子於原壤云云曰夷俟而深責之母死而敬反
若弗聞似失輕重不知朋友君臣之際輕者可以

直言令彼有可受之地重則難以顯靜不使彼有
不堪之情進諫之道自宜如此况原壤世法外人
安得以情理律之親者無失其爲親故者無失其
爲故意隱而深更嚴於叩墮

十九日

問輪迴之說云云曰天之生物胎卵氣化皆誠者自
然之理生生不窮故曰誠者物之終始不誠無物
原始反終謂明其生之理便知其死之理非謂一
人死一人生如釋氏輪迴之說也上古人稀末世
人稠安能以一人而脫化千百人耶對其矣庶儒

者不道

問鬼神有無曰考之經書多詭矣神而無疑鬼神之
德之盛山川鬼神亦莫不皆精氣爲物游魂爲靈
故知鬼神之情狀諸如此類不可盡舉蓋無一物
而非鬼神也無一時而非鬼神也即如夫子曰敬
鬼神而遠之未能事人焉能事鬼雖至之以務民
義盡人事未嘗說無鬼神但非如世俗所云某鬼
某神至何休咎至何吉凶紛紛非鬼之祭詔如成
風此則夫子之所不語也至聖而不可知之謂神
如精克曰神究稱堯之德曰乃聖乃神此至誠如

神人也而天矣中庸所謂言天道也

二十口

問前知曰前知之道莫看的大神奇只一窮理則按
古人興亡治亂成敗得失之蹟便可以卜來茲所
謂善必先知之不善必先知之此天道人事之機
萬不爽者又山終太算數蓋本諸此若以推測占
驗之奇中爲前知此初士之小技而非至誠之道
也

問靜坐曰靜坐即善學問其能得力於靜以善其動
則靜固靜動亦靜也若風動塵寧又何取於靜焉

天章辨惑二十二則皆千古所致疑曾與吾友四十
年商討今天章一一詢問知非泛泛予烏嘗以泛
泛應之中庸曰有弗問問之弗知弗措也有弗辨
辨之弗明弗措也天章果能於此二十二則言下
了然即此問答之間學豈有餘蘊哉人謂學問思
辨行總皆學之事予謂學而博問而審思而慎辨
而明即此是行矣未可作岐觀也

是日冬至合第姪子孫家祭 凡與祭者各爲祖父
之位昭列於昭穆列於穆俾生者各得展一日之
孝思祭畢而燕亦稍存停睦之意

三十一日

復孫紫洲 再接手書驚聞萱堂之變且喪事在臆
僕等三世之知缺焉躬束而棘人聚聚慟如之何
所論文正先生謚文僕謂韓范一流人須得燕許
大手筆方可勝任因念牧老門下士文章老手較
腐儒自是天淵故前番報字真實相商非敢諉卸
他人也至謂非文與人不敷求即文與人矣非會
徹合的謂亦不敢求此語僕雖愧之然仁兄不忍
相外至誑何敢忘何能忘耶憶文正先生爲僕序
家乘有云周家尹吉甫文武爲憲佐天子匡王國

其歸而飲御廼在張仲孝友此其自待與待僕之
意僕聞不肖又何敢忘何能忘俟春明過衛時面
計之斷不敢有負也舊紀乃老伯諸言行事所寄
如有存者帶得一冊謀梓之以廣其傳

送高薦歸上谷 藝苑盟聲蚤心事老逾真閭水

與尋山契結別有神瀝城雙柳堂六載相比鄰今
依蘇山側妻孥共食貧傾囊無餘瀝圓竈常絕薪
孤雲非無託豈其嘆不辰太保家聲舊仕牒與時
新拙矣而謀生癡也其爲人予言無不悅手錄如
獲珍忽有北雁來兄病望眼頻即日思返轍竟不

顧瓦陳何以慰吾懷臨路倍酸辛

二十二日

問張仲孝友何關周官中興曰尹吉甫以孝友之大
臣在朝廷調一人以調百士其合傾肺腑以試信
閑大畧若視色庭情是謂能孝其比肩事主不伐
不競日與壯猷元老如方叔輩若各持一美以嘗
親是謂能友一之吉甫得孝友爲友故能佐天子
匡王國其歸而一在張仲孝友不亦宜乎
光州陳向敏字勉思奉父泮水公命來問學

二十三日

復陳泮水 昨公勇請告過蘇門曾致雅注又接翰
教且重以賢公子辱臨茲巡臺命且感且愧昔許
平仲寓共城姚公茂常遺其子姪來問學平仲各
因其氣質而擴充之皆爲有元碩儒巨卿鬱然絕
學之倡今某之拚匱不能窺平仲藩籬而耶君家
學有源某何能爲請益地語云聞所聞而來見所
見而去先生固知某之大概矣平仲與學所闕世
道人心甚大今日之平仲於公有厚望焉

二十四日

問顏淵死子哭之慟曰天喪予情何篤也及顏路請

車爲槨則曰鯉也死有棺而無槨吾不徒行以爲
之槨門人厚葬則又曰非我也夫二三子也不疑
於薄乎說者曰念鯉之無槨故不忍偏厚回豈望
人果作此較量與曰此中有天則焉一毫已意不
得而與之回輒飄陋巷人而得聞道喪子之慟悲
天憫人慘極矣然貧而厚葬特勝而不衷於義是
謂私誣豈謂經無槨遂答回之槨有此一番較量
孰足已私用事顏路請車父子情深門人厚葬朋
友義重夫子慨然一天命之流行情之深義之重
豈不得而擬之矣其於請車厚葬也雖抑其私情

嘗不予其意並行而不相悖

二十五日

送楊子亨歸里 子亨過夏峯兩逾月矣端謹而有
遠識深爲乾行喜有後也將告歸會溲水陳公令
其子勉思來問學其牘詞曰曾哲狂士或聞參乎
一貫之傳亦恍然見大意則先生因其子以教其
父也乾行有志未遂承父之大意者今在子亨豈
不可因點而教參乎諸子臨路題詩并數言於首
子亨勉之哉并以語其弟子湛

二十六日

問孟子曰五霸者三王之罪人也故仲尼之徒無道
桓文之事又曰今之諸侯五霸之罪人也求爲霸
主而不可得矣今之大夫今之諸侯之罪人也求
爲霸佐而不可得矣邈至於漢唐宋其君其臣粹
然爲霸主霸佐而有餘然跡其分羹挾父陳橋之
事恐霸主霸佐亦所不屑五季五代益不可言浸
尋至今痛哭無從流涕難已世道之江河既不可
返卽有孔子寤寐東周之志孟子舉安天下之心
亦徒抱虛願而已不知當從何處著手曰叔季之
不同於古昔時運有升降而帝命無增減虞廷授

受已曰八心危而道心微世遞降而人心之危者益危道心之微者益微然孤陽一線雖重陰積蔽終不能使微者之絕而不續此中有天命焉豈人之所能爲哉五典五禮秩叙自天殷因夏周因殷有損益而無更改明高皇之因漢唐宋元有豐功而無穢德豈道日喪而功日卑耶哀公問政子曰達道達德九經此自天開地闢以來見成一副家具以付千萬世作君作師之人堯舜性之性此者也湯武身之身此者也五霸假之假此者也孔子以教燁風示天下萬世其豐功偉烈暨於堯舜

且遠湯武何足云孟子功不在禹下勝有堯舜德足相配此豈苟於言者哉內聖之學舍三綱五常無學術外王之道舍三綱五常無道術收獲故物君子亦曰反經而已矣

二十七日

問純儒與純臣
純儒與霸佐功足相當否曰純臣之功德在一時純儒之功德在百世霸佐急與人見德故其驩虞純儒正妨其驩氣也儒之統筆自孔子曰君子儒而純者則小人亦曰儒謂其規矩狹隘非人而小人則腐儒少霸氣然霸又是其

醕醢備足以銷霸氣而解又足以蝕真有一利伏
一害如昔古聖人獨孔子太和元氣而集大成均
爲名儒而臨乎其間如所稱君子儒者元公明道
而下數人而已

二十八日

謂諸子曰居家之道曰勤曰儉二者孰尤居要博雅
曰勤非儉終年之勞瘁不當一日之侈靡故書曰
慎乃儉德惟懷永圖子曰禮與其奢也寧儉似儉
尤要望雅曰一生之計在於勤一年之計在於春
一日之計在於寅凡治家治國治身治心道莫有

先於此者似勤尤要曰二者皆要二者皆非要也
要在克勤克儉之人耳八年於外三過門不入方
得地卒天成萬世永賴如非其人胼手胝足朝經
夕營何濟乃事漢文帝惜露臺百金之費蔡已化
成幾致刑措若唐文宗舉衫袖示羣臣曰此衣已
三澣矣雖云儉德然受制家奴自謂不如赧獻泣
下需襟亦何益乎

二十九日

問禪元之說元猶近似謂其修養服食差足卻病也
曰二說俱是雲霧第迷人墮於其中而不覺悟愈

窮究陰陽總在人好惡不同故崇信有淺深耳
唐武宗奮然除去浮屠之法而躬受道家之錄以
唐考之自太宗至武宗創藥以取者六七君皆求
長生而反夭其天年覆車相尋恬不知悔惡在其
近似此之謂不學無術

三十日

邇有讀鹿子說豹者極服其快論然謂其力猛其氣
勝以質於予予曰誠然鹿子服膺不降其志不屈
其身且與他人相砥礪居然鳳翔千仞俯視流俗
其發金花也觸**神**皇帝之怒而**神**皇帝不能

奪其志其上書葉首揆座師也觸首揆之怒而首
揆不能奪其志其疏辨馬御史也劾舉朝臺省之
怒而舉朝臺省不能奪其志嘗題聯官署云官要
錢瞞不過吏不怕對天對地對神明只怕對吏士
無恥成不得人侵謗做聖做賢做豪傑且言做人
陸子之賊天喊地孟子之塞天塞地鹿子身有之
故其言如此

望雅問初學入門須有一段不怕天不怕地之氣方
能獨立不懼若駟高路厚長首畏尾風吹草動輒
所披靡烏能深造而自得乎曰爾伯順先生正從

此入志所孤往百折不回初似癡中似俠末路始
歸中道所學已三變矣天假之年造詣愈不可量
謚真草十五種說約皆壯歲之文故多英氣

十二月

初一日

先祠焚香謂諸子曰日悠忽而自謂無事者不知有
本分事也知有本分事則耳目精神何日是苟安
之日日經營而自苦多事者不能無願外心也
無願外心則晦明風雨何時非受享之時諸子
請問曰所求乎子以事父所求乎弟以事兄是謂本

分事居也而無求安食也而無求飽是無願外心
請益曰親吾親以及人之親長吾長以及人之長
非願外也已無求安而願與人共安已無求飽而
願與人共飽實本分也素位而行者須不願不願
乎其外者須行素此方是君子於此通徹纔可言
學

初二日

問孔子思中行而不得故寄思於狂寄思於狷又深
惡鄉愿之亂德乃今思之狷之不爲狂之進取是
其中行之骨者也誰能有此骨者卽如所稱鄉愿

無非無刺似忠實似廉潔是其中行之皮者也誰
能有此皮者似非鄉愿而無之矣世道人心時何
所底極乎曰世雖無狂狷而狂狷之脈路自在狂
狷之脈路在惛中行在正不必慮無鄉愿耳堯舜
之民多仁桀紂之民多暴豈有一定之性哉當桀
紂之世而不以暴民自處者是即真狂狷者也第
患德之不周故有豐凶候之而已

初三日

謝諸子曰邇來士大夫絕不講家規身範故子若孫
鮮克有禮不旋踵而壞名災已辱身喪家不知立

家之規正以身作範祖父不能對子孫子孫不能對祖父皆其身多慙德者也一家之中老老幼幼夫夫婦婦各無慙德此是義皇世界孝友爲政政孰有大焉者乎舜值父母兄弟之變湯武值君臣之變周公值兄弟之變雖各無慙德然飲泣自傷烏能愉快於無言之地吾家先嚴以慈孝遺教人子孫世守勿替是在爾曹勉之

家規六則 孔子之教伯魚也曰不學詩無以言不學禮無以立淑性情固筋骨立身之大端盡此矣周公謂魯公故舊無大故則不棄何其仁也無求情

於一人何其恕也仁且恕世豈有外焉者乎

馬援戒其子也聞人過失如聞父母之名心可知口不可言此涉世之道焉

劉元德云勿以善小而不爲勿以惡小而爲之此真聖賢集義遷善要訣不謂英雄人能見及於此

柳玭之戒其子弟也曰不識儒術不悅古道身既寡知惡人有學勝己者嫉之佞己者揚之以啣杯爲高致以勤事爲流俗此最中人膏肓之病

陽明曰我子弟苟遠良士而近凶人是謂逆于親師取友之誼夫豈外焉者哉

從古賢士名人教家戒子之言史不勝書難以悉錄
此六則因與子若孫時言之充此六則之義千萬
人言之不盡千萬世用之不盡故以作家規

續家規十八則

一安貧以存士節

一寡營以養恥心

一潔室以妥先靈

一齋躬以承祭祀

一既翁以協兄弟

一好合以樂妻孥

一擇德以結婚姻

一祖誠以接長幼

一勿欺以交朋友

一隆師以教子孫

一正色以對賢豪

一含洪以容橫逆

一守分以遠尊卑

一謹言以杜風波

一簡修以淡聲聞

一好古以捫造化

一克勤以絕耽樂之端已

一克儉以解飢渴之害心

前六則述古人之意後十八則以己意而次第之並
教家立範須有正行之人故先存士節養恥心孝
友爲政立祠舉祀其首務也謝疊山曰兄弟不和
家庭間盡是戾氣雖有妻子之樂不樂矣然兄弟
不和多開隙於妻子易家人利女貞夫子以好合
先既翁而得父母之順亦可知矣婚姻之事家之
盛衰攸關論則不論德宜君子不入其鄉也家有
長幼孰是可以詐僞相接朋友信之已不信而能

得人之信其誰與我子孫不肖祖父之教不先古
人易子而教自童蒙間爲擇師獎而不勞會牘之
愛也與賢豪相對最不可有媚悅之色與妄人相
值亦當存自反之心真隙之間風波之招非多事
則橫議守分謹言庶乎可免矣聲聞過情君子恥
之趨避不審不學無術耳闇修好古君子日用所
從事者端在於斯居家之道入口飢寒治生亦學
者所不廢故以勤儉終焉按此皆吾人分內事人
人可行而人人不肯行先儒謂行保甲法能使八
無盜乎謂行家規而人人親長便是唐虞三代之

風何無盜之足云斯說也不敢望之於天下不敢
望之於一國竊欲望之於一家凡我子若孫其

吾言

初六日

復取郭詔親友 友栢歸母櫬一事已既乏力人
難言雖費拮据終難憐我本懷惡能憐諸君屬
之意乎計程歲暮方可抵首即霜雪長途飢寒難
免又不能不令人係念耳

初七日

復賀曹石

接手字適來甚貧且病使乎亦道

不快之狀夫世人之病大半從憂鬱生而憂鬱之
衣正在此貧耳然此可以因庸流而不可以因豪
傑昔人云貧卽是道文烈先生有孫而貧甚祖德
孫謀俱有光焉此可樂而不可憂天或有意於太
賢之後正不可以常格論也

初八日

復田僑蘭 別後最可傷者夢周令岳平生磊落抑
鬱而死衰年路阻不能憑棺一慟抱慊何言乎字
備述年來憂患令人憫惻然生於憂患天正有意
於賢友此非道氣人不能領畧答問一冊寄覽此

僕近來功課八十已迫耳目雖久不靈幸心思尚
爾不述餘無可爲賢友道者

初九日

問文公家禮冠婚人子之始喪祭人子之終規中
何止言婚與祭而不及冠與喪也曰生今反古矣
及其身冠已久廢甯待今日此不必言至送死足
當大事愚不肖尙知自勉子孫而賢貧富貴賤因
時制宜此又何待言亦不必言非畧也

附家規後

初十日

問禮者天理之節文還是主敬還是主和曰禮者

失其真和離禮無其飾飾文從天理出二者自不
容分之爲兩禮之用和爲貴一章看聖人說話是
一是二附家規後

十一日

問齊宋之難難於治國平天下家適天下遠家親天
下疎何以難曰正惟適則情易辟正惟親則法難
用夫家之所以齊者父曰慈子曰孝兄曰友弟曰
恭夫曰健婦曰順反此則父子相傷夫妻反目兄
弟鬩牆積漸而往遂至子弑父妻醜夫兄弟相仇
殺庭闈衽席之間皆爲敵國從來均平天下之人

每於此多動心忍性蓋法制之所不能束禁令之
所不能施以此思難難可知已

附家規後

十二日

問張公藝九世同居得力在忍夫同居義取於和忍
則情有不堪而襲同居之名似非君子之所貴也
曰必有忍乃其有濟忍正所以成其和也如心實
不和強爲含忍勢將至於積怒深怨決裂不可收
拾居同而心異何如居異而心同古今四方皆一
家人豈必合聚同室乃爲一家乎國運家運隆析
分崩皆非人之所能自主仁人孝子亦與時偕行

分合同異無庸有成心也

附家規後

十三日

問家之不齊多因妯娌不和遂傷兄弟之好敢妄恃寵以奪主母之權至繼母毒害前妻子女其禍人身家敗人名行更甚當何道以處之曰易不云乎君子以言有物而行有恒詩曰刑于寡妻至於兄弟以御於家邦此千古家規也身範不端向婦人女子求齊道無繇矣

附家規後

十四日

南北及門諸子繪圖十二幅復介薛行塢宗伯爲之

稱觴

賤辰及門諸友繪屏爲祝俚言答謝 我家易水上
垂老過蘇門非綠愛風景故園難久存雖云輕
鄉此山卻屬孫我來築一茅書卷度晨昏寒
二易孫枝育已繁行年七十七何以答親恩及門
二三子畫營而宵奔繪圖詳素履侑以知已言自
慙一腐儒徒廢百年歿良朋來自遠情猶如弟
聲氣原不隔今古此乾坤

辭諸友 僕馬齒雖長無悶輕重蒙諸君相愛之過
既有屏全再辱厚賜僕不敢云傷廉諸君得無

惠耶敬簡幸諒

十五日

答友 人紅一書惠難須有一番動忍纔不負老天
成我之意如仍前面孔絕無增益是一頑冥不靈
之人耳若宜默默自勘有進無進莫不自覺無待
人言也

十六日

寄立兒 賴天地祖宗之靈七十七歲尚自健飯但
氣弱不能多說話家規寄去當莊錄一緝掃之類
中便是與爾等晨夕告語也你既宜出貢盤費自

是難辨付來人銀二兩杯一隻爾伯母而下維雅
永興永徽瑞哥母子各付些須奇鵬爲東久受辱
我每念之寄靴襪一隻不足言酬王永吉臨行手
字

二十日

谷穀嚴尊 親翁世德名家樹幟海內昔曾於陳三
禮處一望顏色未得接談然每於友人讀其詩觀
其字畫種種皆堪不朽近聞與僕生舍親裏輯古
今人詩而止生似有當焉僕竊爲止生喜得知已
也衰老流寓他鄉素不敢輕通問貴人不謂先生

冲襟善下輒枉芳訊以閑邪存誠不遠千餘里相
質僕因恨昔日於元禮處避坐徒以先生爲官人
中之韻人而不知先生乃當世之學道人也閑邪
存誠四字道統學脈一言而盡先生之得力深矣
韓贖廢人把臂難期韓贖廢人册就正幸教之

十五日

答劉公勇

仲尼祖堯舜吾道之寬裕中有萬古

派衍皆兒孫大者等嶽瀆小者亦瑤琨上下數千

載斯

韓贖廢人

人存乾坤有晦冥大易貴處屯難會之

適韓贖廢人於何勞聲吞劍復相爲倚酒薄非異源春秋

戰國間孔孟道愈尊靜修高蹈士名亦重於元姚
許行道身收光焰蘇門欣聞君子來願與結爲昆
不窺塵器外何以立雲根造物焉能尼丈夫挺孤
騫

二十六日

問人好直言輒自命良友如何曰良友不廢直言能
受直言雖見良友諸葛孔明之言曰昔初交州平
屢聞得失後交元直勤見啟誨董幼宰言則盡胡
偉度素直止雖資性鄙暗不能悉納然與此四
子終始好合亦足以明其不疑於直言也

泰昌堂
和字幼

王薄胡
濟字仲度

二十八日

姻友李釁表解館就予夏祭賦此 十年同爲客今
日復同養音家欣四世石亦攜兒孫兩婦繫君女
兩女性皆溫孕育已成行福德蔭吾門終歲時聯
牀意至各忘言君年實遜予視予不啻最所幸在
貧交富貴莫足論

二十九日

除夕有引予以前庚子登賢書今花甲週矣眼暗耳
聾氣弱久在死法中賴天地祖宗之靈眠食尙爾

十年憂患艱辛米至狼狽而幼稚盈室門
以內無戾氣門以外無襍賓自慙衰病福已過分
因爲此句

倏然又歲除簡默一年事難以告無罪兒童諫我意
致川水部 明代有大文字三篇人人知之而人人
忽之太祖高皇帝臥碑一記 成祖文皇帝性
理一序世祖肅皇帝敬一一箴咸符心學之秘
直接一中之傳向來表章無人懼其久而或晦第
欲爲註解慮衰年軟筆不足發明先生署冷心清
以斯文爲已任此事正不可輕易錯過也稿俱不

在案頭煩掌記於學宮騰錄以示先生或有意乎
問人有一人之人有百人之人有千萬人之人當於
何處認取曰人之品格規模大小自是不同如夏
草之於長松傲蹠之與珠玉豈可同日論乎第身
非長松則不知長松之貴也身非珠玉則不知珠
玉之貴也一人百人之人如何能盡千人萬人之
分量留侯非漢高不能用武侯非昭烈不能用取
人以身此千古不易之理也

日譜錄存卷之十四終